



Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 72. Galli obsidionem solvere a Dunensi Comite compulsi.

[urn:nbn:de:hbz:466:1-66444](https://nbn-resolving.de/urn:nbn:de:hbz:466:1-66444)

Sæcul. XV. brevem moram, consensa navi, Croci-
A.C. 1487. liacum contendit, ac inde adverso flumine

Nannetem usque revehebatur. Interea
vero Galli capta Plenermela Venetum ob-
sidione cingunt, eamque urbem nemine
oblustante brevi occupant. Tunc primum
Britones sera licet pœnitentia suum, quo
in patriæ suæ sinum Gallos advocare de-
creverant, errorem deflebant; mox enim
die decima Junii Carolus VIII. copiis suis
Nannetem urbem obsedit, utque expe-
ditioni proximior esset, relicto Lavallo
Augenium usque processit.

*Joligny
hist. Carol.
VIII.* Nannetes urbs erat amplitudine sua
celebris, & valido præsidio munita, ci-
vesque ad repellendos hostium impetus
obfirmati, cum potissimum eorum ani-
mos stimularet Britanniæ Ducis sui præ-
sentia, qui ipsus præsidii imperium in se
suscipiens, obsidionis curas partiebatur
cum Aurelianensi Comite, Arausionensi
Principe Covennarum Comite, aliisque
Nobilibus, qua Gallis, qua Britannis.

§. LXXII.

*Galli obsidionem solvere a Dunensi
Comite compulsi.*

Eo tempore Dunensis Comes absens
erat, utpote ad Angliæ Regem pro-
suptetiis missus, quas tamen advehere
haud poterat, eoquod adversante vento

in

in portum Macloviensem, unde solverat, ^{Sæcul. XV.} jam tertio rejectus, ac bis ex cursu ad ^{A.C. 1487.} Britanniæ oram propulsatus esset. Cum tandem sexta vice navem descendere pararet, obvium habuit Burgundiæ Nothum, qui ad Comitem ex Romanorum Regis exercitu mille quingentos milites adduxit. Igitur Dunensis præter hasce suppetias, sexaginta ferme hominum millia in Britannia inferiore, ubi ad famam de eorum Duce Nanneti obfesso quivis ad arma volabat, tumultuarie collegit, hisque copiis auctus, ad urbem progressus. Attamen cum illæ ad disciplinam militarem minime assuefactæ, armis male instructæ, belli experientia rudes, nec hastam nec gladium versari edoctæ essent, Comes illas utpote ad expeditiōnem plane inutiles reliquit, ex teto exercitu selectis non nisi sex exercitiorum milibus, quibus nec non Flandrorum copiis munitus, Nannetem ingressus est e regione, quæ Fossa nuncupatur, ubi urbs præpediente Ligeri flumine ab hostibus cingi non poterat. Eo facto Dunensis Comes exeunte Julio Gallos urbis obsidionem, quam incasso labore sextam jam septimanam urgebant, solvere compulit; quapropter eorum exercitus expugnandæ civitatis spe frustratus, servato tamen militari ordine pedem resebat, & Clissonium, Vitræum, De-

Hist. Eccles. Tom. XXX. Z. lum,

Sæcul. XV. lumen, aliasque tam exigui momenti
A.C. 1487. urbes occupabat, ut harum omnium ex-
 pugnatio Nannetensis urbis felicitatem
 minime adæquare potuerit; hac enim
 capta Rex facili negotio totam Britanni-
 am suis armis subjecisset.

Altera ex parte magis secunda Gallis
 adspirabat fortuna; Albretus enim, qui
 collectis tribus ceu quatuor armatorum
 millibus Britanno in auxilium accurrere
 parabat, a Candalio in itinere intercep-
 ptus est, atque in arce Nontronensi ad
 Lemovici fines cinctus, suas copias de-
 ditione facta dimittere, ac Regi fidem im-
 posterum servandam polliceri compulsa
 est. Sub idem tempus Cordæus, qui in
 finibus Arthesiae copiis imperabat, Au-
 domaropolim, & Theruanam dolo ce-
 pit, atque in loco a Bethunia non nisi
 media Leuca dissito Philippi Clivensis
 Ravesteinii legiones profligavit, ipsumque
 Philippum unacum Egmontio & Nassou-
 viensi Comitibus, Bossutio, aliisque in
 captivitatem abstraxit. Maximilianus
 hac clade attritus, ab armis cessare, ac
 Wallonum Provincias Victorum arbitrio
 cedere coactus est.

§. LXXIII.
*Britanniae Dux Rivenarum Mare-
 scallo reconciliatus.*

Adverso hoc fato Britanniae Dux alieni
 sub-